

# ՀԱՆԴԵՍ ԱՄՍՕՐԵԱՅ

## ՀԱՅԱԳԻՏԱԿԱՆ ՈՒՍՈՒՄՆԱԹԵՐԹ

ԹԻԻ 1-12

ՅՈՒՆՈՒԱՐ – ԴԵԿՏԵՄԲԵՐ

ՃԲ. ՏԱՐԻ 1988

### «ՀԱՆԴԵՍ ԱՄՍՕՐԵԱՅ»

Հ. Գր. Գալէմբարեանն իր «Պատմութիւն հայ լրագրութեան» աշխատութեան մէջ գրում է. «Մեր լրագրութեան պատմութեան մէջ սակաւաւոր են այն լրագիրներն, որ երկայն եւ միանգամայն պատուաւոր ապրած ըլլան»<sup>1</sup>: Նոյն միտքը վերաբերում է հայերէն գեղարուեստական կամ հայագիտական հանդէսների, բացառութեամբ 1843-ին ծնունդ առած ու դեռ կենդանի բանասիրական-գեղարուեստական «Բազմավէպ», ինչպէս նաեւ 1887-ին սկզբնաւորուած եւ յարատեւող «Հանդէս ամսօրեայ» (այսուհետեւ ՀԱ) բանասիրական հանդէսներին, առանց որոնց թերի կը լինէր Մխիթարեան գոյգ Միաբանութիւնների մշակութային գործունէութեան պատկերացումը: Պատասխանատուների նիւթական եւ բարոյական մեծ գոհողութիւնների եւ անդուլ գործունէութեան, հայ եւ օտար հայագէտների համերաշխ ու բարերար աշխատակցութեամբ երկու հանդէսները նրբաւոր «Պատմա-բանասիրական հանդէս»-ի հետ վայելում են միջազգային ճանաչում, եւ երանի այն գրադարաններին, որոնք ունեն հայագիտութեան այդ թանկագին գանձարանները:

ՀԱ-ն հարիւրամեայ, բայց հասուն երիտասարդ է եւ կը յարատեւի այնքան, որ դեռ կ'ապրի – եւ ապրելու է – Վիեննայի Մխիթարեան երախտաշատ Միաբանութիւնը, որի պաշտօնական հանդէսն է: Միւս ազնիւ միջոցների հետ, ինչպիսին են Մխիթարեան քոյր Միաբանութիւնների աշխարհատարած հայկական դպրոցները, հրատարակութիւնները, Հայրերի անձնուէր, անշահախնդիր եւ անփոխարինելի գործունէութիւնը, «Բազմավէպ»-ն ու ՀԱ-ն իւրովի բարձր մակարդակով մասնակցում են Մխիթար Աբբասօր եւ նրա մեղուաջան աշակերտների մշակութային ազգանուէր նպատակների իրագործման. այն է՝ հայագրի մատաղ սերունդների մէջ ամենուրեք սերմանել հայկական եւ իրենց ապրած երկրների գիտութիւնն ու լեզուն, ջամբել հայցի եւ բարոյական դաստիարակութիւն, Հային տալ ինքնաճանաչման զգացում, հայ ժողովրդի հոգեւոր արգասիքները ճանաչել տալ բոլորին, հայ եւ օտար մասնագէտներին եւ բոլոր հետաքրքրուողներին հաղորդել հայագիտութեան բոլոր բնագաւառների նուաճումները, ժամանակի պահանջներին զուգընթաց, առանց ետ մնալու միւս առաջաւոր ազգերից. չ'է որ հայ ժողովուրդը պահպանում է իր հնդեւրոպական ծագումը:

Թէեւ ՀԱ-ի հրատարակիչները հայ են, բայց կաթողիկէ վարդապետներ – յիշենք անցեալի իրարամերժ եւ անհանդուրժողական կրօնական պայքարներն ու հալածանքները – սակայն նրա էջերում երբեք չեն երեւցել զուտ կրօնա-բարոյական, քարոզական, նուազ եւս՝ պարակտիչ, անօգուտ, լուկ բանակուտական բնոյթի կրքոտ յօդուածներ կամ ակնարկումներ: Այդ է պատճառներից մէկը, որ ՀԱ-ն ազատ եւ խաղաղօրէն ներթափանցել է հայ ուսումնասէր մարդկանց տները, հայկական դպրոցների գրադարանները, հայերէն թերթերի եւ հանդէսների խմբագրատները. գիտակներից կարդացուել է, սիրուել, եթէ չի սիրուել, ապա գէթ յարգուել է, մերթ քննադատուել է շինիչ, երբեմն էլ անբարեացակամ ոգով, սակայն շատ աւելի յաճախ գովասանքի է արժանացել: Իր գիտականութեամբ ու լրջութեամբ առինքնել է հոգեւորական եւ աշխարհիկ, հայ եւ օտարագրի աշխատակիցներ, յարուցել է տաղանդներ, հրատարակել ծանրակշիռ ուսումնասիրութիւններ, որոնք դժուար թէ

<sup>1</sup> ՀԱ, 1888, էջ 58բ:

Հայկական պայմաններում այլ կերպ լոյս տեսնելի յօդուածները, գրքոյկները կամ գրքերի ձեւով: Բանասիրութիւնը շատերի համար չոր ու ցամաք գիտութիւն է:

ՀԱ-ն Հայագիտութեան մի անդամատան է, ուր խաղաղօրէն իրար են հանդիպել եւ հայ մշակոյթի վերաբերեալ գիտական մտքեր են փոխանակել, որոնք առաջընթաց են բերել հայ բանասիրութեան, հին ու նոր գրականութեան, ազգագրութեան, լեզուաբանութեան, ձեռագրագիտութեան, աշխարհագրութեան, հին պատմութեան եւ հայագիտութեան այլ ճիւղերին:

ՀԱ-ն գոյատեւում է մի շարք հանգամանքների շնորհիւ: Դրանցից է այն, որ նրա Մխիթարեան տէրերը ազնիւ են, անհասարկութիւն, փառաւոր, բայց ոչ փառամոլ, անկախ, իրենց կամ ուրիշների մարդկային բնական կրքերի կամ բախտի բերումների թեթեւ խաղալիքները չեն դարձել եւ չեն դառնայ, իրենց ուղիղ, ուղղամիտ ու հաշտ գործունէութեամբ վայելել են ու վայելում բոլորի համակրանքը, աշխատակցութիւնը ՀԱ-ում եւ մասնաւոր Սևստրիայի հիւրընկալ հովանաւորութիւնը եւ ապահովութիւնը, որը նրանց սիրալոյսով թույլ տուեց Տրիեստից յետոյ հաստատուելու մայրաքաղաք Վիեննայում 1811 թ.: Անցեալում ոչ ոք նիւթապէս չի սատարել ՀԱ-ին, որն այսօր մասնակի փոքր նպաստ է ստանում միայն Գալուստ Կիւլպէնկեան հիմնարկութիւնից: Վերջին տարիներս նա լոյս է տեսնում տարեգրքի յաճախականութեամբ, սակայն ստուարածաւալ:

ՀԱ-Ի ՄԻՒԹԱՐԵԱՆ ԵՐԿՈՒ ՆԱԽՈՐԴՆԵՐԸ


Վիեննական Մխիթարեանները միշտ էլ գիտակցել են, որ մամուլը դաստիարակման մի մեծ միջոց է: Ուստի ՀԱ-ից առաջ փորձել են դրանով էլ օգտակար լինել Հայերին: ՀԱ-ից առաջ հրատարակել են «Մանօթութիւնի վաճառականութեան» 1819-ին, որ հայ ոչ գերմանախօս առեւտրականներին պիտի ծանօթացնէր վաճառականական հարցերը Սևստրիայում եւ յատկապէս Վիեննականութեան է, որ լոյս է տեսել 1847-1854 թթ. եւ եղել քաղաքական, տնտեսագիտական, բանասիրական, գեղարուեստական բնոյթի: 1858-ից դարձել է երկաթաթաթերթ եւ փոքրադր, ընտանեկան եւ գեղարուեստական թեքումով, «Օրագիր ընտանեկան». դադարում է 1863-ի վերջում, Մխիթարեաններից անկախ մի շարք պատճառներով: Դրան աշխատակցել են ՀՀ. Յովսէփ Գալթրեանը, Փիլիպպոս Ճամճեանը, Արսէն Այտնեանը, Պօղոս եւ Դեռոնդ Յովնանեան եղբայրները եւ ուրիշ Մխիթարեաններ: Դրանում մշակուել է արեւմտահայերէնը, եւ յօրինուել են նորանոր բառեր, որոնցից շատերը մտել են բառապաշարի մէջ<sup>2</sup>:

Մխիթարեանները հրատարակել են նաեւ օրացոյցներ, բայց ոչինչ էջը կարող փոխարինել հայագիտական մի մեծ հանդէսի, որպիսին պիտի լինէր ՀԱ-ն:

ՀԱ-Ի ՍԿՋԲՆԱԻՈՐՈՒՄԸ

1886-ին Միաբանութեան ընդհանուր Արբանայք է ընտրուում հանրածանօթ Հ. Արսէն Այտնեանը, որ 1887-ին ձեռնադրուում է արքեպիսկոպոս: Որքան գիտնական եւ հռչակաւոր, «Աշխարհաբարի ֆենակաւ ֆերակաւութիւն» անմահ աշխատութեան հեղինակ, եղել է նոյնքան էլ ձեռներէց եւ գործունեայ առաջնորդ: Գլխին է յայտնի, որ նա եղել է նաեւ գեղարուեստասէր, ճաշակի մարդ եւ հայերէն զանազան տպագրատառերի հեղինակ: Նրա իմաստուն ղեկավարութեան օրով Միաբանութիւնը 1886-ին ձեռնարկում է մի «ուսումնասիրութիւն» հրատարակութեան (իսկ 1889-ին ետ է գնում Մխիթարեան տպարանը, որ հարկադրուած վաճառուել էր 1870 դժուարին տարին): Հ. Գալթրի էլ Մէնէվիչեանի «Համդէս ամսօրեայի» կեանքը՝ յօդուածը ցոյց է տալիս, որ երիտասարդներին հեշտ չի եղել համոզել երիցագոյններին, որոնք շատ աւելի փորձառու եւ զգուշաւոր էին<sup>3</sup>: Սակայն բոլորն էլ գիտակցել են, որ Միաբանութիւնը չէր կարող լուռ մնալ եւրոպական գիտութիւնների զարգացման առաջ եւ կամ միայն գրքերով ծանօթացնել Հայերին գիտական նորութիւնները

<sup>2</sup> Հ. Գր. Գալթրեանին իր «Պատմութիւն հայ լրագրութեան» գրքում ցանկագրել է «Ներպալ» շաբաթաթերթի «ագգային ընդարձակ յօդուածները» (տե՛ս, օրինակ՝ ՀԱ, 1888, էջ 216-218):  
<sup>3</sup> Տե՛ս «Յուշարձան...», Վիեննա, 1911, էջ 57-64:



607-89

կեանքի բոլոր բնագաւառներում, ոչ էլ լուել հայ ժողովրդի երկրի, պատմութեան, լեզուի եւ մշակոյթի մասին:

Արբանայք գլխաւորութեամբ որոշուում է, որ ապագայ պարբերականը պիտի կոչուէր «ՀԱՆԴԵՍ ԱՄՍՕՐԵԱՅ» եւ պիտի ունենար «բարոյական, ուսումնական, արուեստագիտական» (իմ'ա արուեստագիտական եւ արհեստագիտական) բնոյթ: Ամսաթերթի ձեւով լոյս տեսնելու պատճառը կարելի է գտնել ՀԱ-ի բեղմնաւոր աշխատակից Հ. Գր. Գալթրեանի հետեւեալ տողերում, գրուած Միմէոն Գուլամիրեանցի խմբագրած ու հրատարակած «Արաբս» հանդէսի (Պետերբուրգ) 1887-ի առաջին գրքի գրախօսութեան մէջ. «Կարելի է ընդ արդեօք փոխանակ մէկ անգամէն 12 թերթ (12 անգամ 16 էջ. Մ. Մ.) հրատարակելու եւ վեց ամիս կամ աւելի միջոց սպասցնելու՝ քիչ միջոցի մէջ քիչ բան հրատարակել, եւ թերթին ազդեցութիւնը միշտ վառ պահել»<sup>4</sup>: Անշուշտ այս մտահոգութիւնն ունէին նաեւ Մխիթարեանները:

ՀԱ-ի առաջին խմբագրութեան անդամները եղել են հետեւեալ Հայերը. Դեռոնդ Վ. Յովնանեան (խմբագրապետ), Յովհ. Վ. Թումայեան, Գր. Գալթրեան եւ որպէս օգնական Գալթրի էլ Մէնէվիչեան, որոնք միաժամանակ առաջին յօդուածագիրներն են Հ. Յակոբոս Տաշեանի հետ իրենց եռանդուն աշխատակցութեամբ: 1886-ի նոյեմբերին տպագրութեան է յանձնուում եւ ղեկտնմանը լոյս տեսնում «ՀԱՆԴԵՍ ԱՄՍՕՐԵԱՅ» բարոյական, ուսումնական, արուեստագիտական» պարբերականի փորձնական առաջին պրակը, 16 մեծադիր էջ, որ հաւանաբար համարուեց 1887-ի՝ հիմնադրման տարուայ, առաջին ամսուայ համարը: Նա իր յաջորդներն ունի առ այսօր, եթէ ոչ ամէն ամիս, զէթ ամէն տարի մի հատորի մէջ մէկտեղուած, ուրախութիւն, գոհունակութիւն եւ գիտութիւն բերելով բոլորիս: ՀԱ-ն համաշխարհային երկու ահաւոր պատերազմ է ապրել, սակայն նոյնիսկ այդ դժնդակ տարիներին չի դադարել, որպէս խորհրդանիշ լոյս է տեսել միացեալ թուերով ու տարիներով, պահելով ամէն տարուայ հատորի հերթականութիւնը:

Որեւէ հրատարակութիւն ընթերցողներից զնահատուում է իր ձեւաւորման եւ բովանդակութեան տեսակէտից: ՀԱ-ի երկարակեցութեան եւ բեղմնաւորութեան գաղտնիքներից մէկն էլ այն է, որ նա կարողացել է յառաջադիմել, ժամանակի պահանջներին համեմատ բարեփոխուել ձեւով, առաւել եւս բովանդակութեամբ: Նրա յաջորդական խմբագրութիւնները, որոնք միշտ Մխիթարեան վարդապետներ են եղել, յաջողութեամբ գործադրել են այդ երկու սկզբունքները, ունկնդրելով ընթերցողների դիտողութիւնները, սակայն անսպալմաբ ընթանալով իրենց ընտրած ուղիով եւ երբեք չձգտելով հաճելի լինել սրան կամ նրան առանձնապէս. արդարեւ շատեր իրենց նամակներում գանազան առաջարկներ են արել, որպէսզի հանդէսը «դուր գայ» բոլորին, մի բան, որ հնարաւոր էջը եւ էջ:

ՀԱ-Ի ԶԵՒԱԻՈՐՈՒՄԸ

ՀԱ-ն մինչեւ 1914 թ. պրակ առ պրակ լոյս է տեսել ամէն ամսուայ սկիզբը, եւ տարուայ վերջում խմբագրութիւնը հրատարակուած համարները հաւաքել է մի հատորի մէջ, առանց կազմելու, այլ միայն մի կողք անցկացնելով, կոնակիին տպագրելով անունը եւ տարեթիւրը: Սկզբում դրուած է ամբողջ տարում հրատարակուած նիւթերի ցանկը: 1986 թ. հատորի թիւն է ձ տարի, այն է՝ 100-րդ տարի, մի դա՛ր: Նորագոյն ժամանակներում հատորները համարակալուած են նաեւ հոտմէական թուանշաններով:

ՀԱ-ի արտաքին չափերը մնացել են նոյնը՝ 31,5 եւ 22,5 սմ:

Կողքերը ժամանակի ճաշակի համեմատ ենթարկուել են փոփոխութիւնների: 1887-1889 թթ. կողքերը կապոյտ հասարակ թղթից են, առանց զարդարանքի, ուր միայն կարգաւորում են տարին, հանդէսի անունը, հրատարակութեան քաղաքն ու տպարանը՝ «1887, ՀԱՆԴԵՍ ԱՄՍՕՐԵԱՅ ԲԱՐՈՅԱԿԱՆ, ՈՒՍՈՒՄՆԱԿԱՆ, ԱՐՈՒՍՏԱԳԻՏԱԿԱՆ, ԱՆՈՒՅԻՆ ՏԱՐԻ, ՎԻԵՆՆԱ, ՄԻՒՔԱՐԵԱՆ ՍՐԱՅԱՐԱՆ»<sup>5</sup>: 1890-1914 թթ. կողքերը աւելի հաստաւուն թղթից են, ընթերցողներին ծանօթ

<sup>4</sup> ՀԱ, 1888, էջ 65ա:  
<sup>5</sup> ՀԱ-ի բոլոր հատորները, առաջինը մանրաթափաւէնով, դեռեւս տրամադրելի են Վիեննայի Մխիթարեան գրավաճառանոցում:

սիրուն եւ գունաւոր նկարագրովամբ: 1920-ից յետոյ դրանք հաստ սովորական գունաւոր թղթից են, այժմ՝ դեղին եւ բովանդակութեան ցանկով: Նորագոյն ժամանակներում հանդէսի անունը եւ հրատարակչական միւս տեղեկութիւնները կողքի վրայ տպագրուած են նաեւ գերմաներէն:

Թուղթը, տառատեսակները, տպագրութիւնը, ներքին ձեւաւորումը միշտ էլ եղել են որակաւոր եւ ըստ այնմ արժանացել ընթերցողների եւ ժամանակի հայերէն միւս հանդէսներին եւ թերթերին խմբագիրներին գնահատանքին: Մի գաղափար է տալիս խստապահանջ «Մշակ»-ի հետեւեալ գնահատականը, որի առաջին տողերը կարծէք մարգարէական են. «. . . Միակ ամսաթերթը, որ կարող կը լինի աջողութիւն ունենալ մեր մէջ, թէ իր դիրքով, թէ խմբագիրների եւ աշխատակիցների եռանդուն եւ միահոգի գործակցութեամբ եւ թէ վերջապէս իր ընտրած նպատակին ընտրելիութեամբ, - դա Հանդէսն է: Փոքր նշանակութիւն չունի մի թերթի աջողութեան համար նաեւ մաքուր թուղթը եւ գեղեցիկ տպագրութիւնը: Ոչ մի տեղ, որտեղ հայոց տպարաններ կան, այնքան կոկիկ, վայելուչ եւ ակնահասճոյ տպագրութիւն չկայ, որպէս Վիէնայի Միխիթարեանց տպարանում: Ընթերցողը մեծ հաճութեամբ է բաց անում Հանդէսի էջերը եւ կարդում. . .»<sup>6</sup>: Այս խօսքերն առաւել եւս ճիշտ են այսօր:

էջերի համարակալումը. մեծադիր էջերը սովորաբար կիսուած են ուղղահայեաց գծով, բացի պաշտօնական գրութիւնների էջերից, որոնց տողերը էջի ամբողջ լայնքով են: 1887-1910 թթ. էջերի երկու սիւնակները մէկ համար ունեն, իսկ այնուհետեւ, Հ. Ներսէս Ակիւնեանի խմբագրութեան օրով, երբ ՀԱ-ն շատ է բարելաւուել, սիւնակներն առանձին են համարակալուած, որ աւելի գործնական է ամէն տեսակէտից: Տարեկան 12 համարները էջակալուած են մէկից անսահման:

Ամսական համարների ծաւալը 1887-1889 թթ. եղել է մեծադիր 16 էջ, այնուհետեւ սովորաբար 32:

Նկարագրողում. 1888-ից սկսած ՀԱ-ում երեւում են յաջող եւ յստակ պատկերներ, գծանկարներ, գծագրեր եւ լուսանկարներ, ըստ ժամանակի գիտական յաջողութիւնների:

Նիւթերի ամսական եւ տարեկան ցանկեր. ամսական համարների սկզբում դրուած է «Բովանդակութիւն»-ը: Սկզբնական շրջանից երկար ժամանակ դրանում նշուած էին յօդուածների էջերը եւ յօդուածագիրները, իսկ հատորների «Ցանկ նիւթոց»-ում էջերը տրուած են, բայց յօդուածագիրների կամ շարունակուող ուսումնասիրութիւնների հեղինակների անունները չկան: 1910-ից վերանում են այս թերթիւնները: Նկատելի է նաեւ, որ յօդուածագիր կամ հեղինակ Հայրերը յաճախ կ'ամ էին ստորագրել, կ'ամ ստորագրել են սկզբնատառերով, ոմանք էլ կեղծանուններով, որոնք դժուարացնում են մատենագիտական աշխատանքները: Այդ սովորութիւններն այժմ վերացել են, բարեխտաբար:

**ՀԱ-Ի ԲՈՎԱՆՆԻԱԿՈՒԹԻՒՆԸ**

Դժուար է բաւարար պատկերացնում տալ մի դարաւոր հանդէսի հրատարակած նիւթերի մասին:

Հանդէսների բովանդակութիւնը կախում ունի խմբագրութիւնների ընտրած ուղղութիւնից, նպատակաւացումից, ժամանակներից, հանգամանքներից եւ այլն: ՀԱ-ի սկզբնական ուղղութիւնն ու նպատակները արտացոլուած են առաջին համարի էջ 1-3-ի «Յայտարարութեան» մէջ: Սակայն կանխենք եւ ասենք, որ, ինչպէս սպասելի էր խելացի խմբագիրներից, ժամանակի ընթացքում դրանք փոփոխութեան են ենթարկուել, մասամբ աւելացել, բայց շատ աւելի նուազել են հանդէսի վերջնական նպատակների պահանջով, քանի որ հանրագիտարանային բնոյթից ՀԱ-ն հանգել է գուտ հայագիտական: Էական կէտերը հետեւեալներն են:

ՀԱ-ն հրատարակում է ժամանակների պահանջին բաւարարութիւն տալու համար, փոխարինելով դարբարած «Նւրոպա»-յին: Հրատարակելիները լինելու են «բարոյական, ուսումնական, արուեստագիտական» բնոյթի, սակայն բազմազան: Բարոյականի են վերաբերել ու «դաստիարակչականը», «դպրոցական վարչութեան կամ մեթոդներու ընտրութիւնն ու բարեփոխութիւնները եւ այլն»: Այս նպատակին են ծառայելու «նորալէզու, մանրալէզու եւ այլն գուարճալիքը»: Ուստի ինչպէս տեսնում ենք, «բարոյականը» կրօնա-բարոյախօսական իմաստով է, եւ ՀԱ-ում որեւէ քարոզ-

<sup>6</sup> ՀԱ-ն մէջբերել է 1887-ի մայիսի համարի սկզբում:

չական յօդուած լոյս չի տեսել: Արդէն ՀԱ-ում պատճառաբանում է, որ այն ժամանակ կաթողիկէ Հայերը մեծ մասամբ թրքախօս էին, ուստի հայատառ թուրքերէն թերթ պէտք էր. բացի այդ, Վիեննան շատ հեռու էր, եւ տեղական մամուլը միայն կարող էր հոգեւոր բնոյթի թերթ կամ հանդէս հրատարակել:

«Ուսումնականն է առաւելապէս՝ գիտնական աշխարհի ճշդագոյն հետազոտութեանց եւ նորագոյն տեսութեանց արդիւնքն եւ ազգային կամ օտարազգի գիտնական եւ բանասիրական երկասիրութիւնները հաղորդել» կամ դրանք ծանօթացնել դրախօսութիւններով եւ լոկ տեղեկութիւններով:

«Արուեստագիտական եւ անոր յարակից տնտեսական ճիւղին վերաբերեալներն են գլխաւորաբար մարդկային ճարտարութեան վերջին (նորագոյն) կատարելագործութեանց գիւտերը կամ փորձերը»:

Նիւթերի ցանկում՝ ուսումնական, արուեստագիտական, բարոյական:

ՀԱ-ն քաղաքական պարբերաթերթ է. բաւարարում է 12 համարներից իւրաքանչիւրի վերջում տալով միայն «վերջին քաղաքական դիպաց եւ ընդհանուր քաղաքականութեան ներկայ դիրքն»:

Հանդէսը ամսական է, ամէն ամսուայ սկզբում 16 էջ:

Հանդէսը Վիեննայի Միխիթարեան Միաբանութեան պաշտօնական «օրգանն» է, խմբագրութեան կենտրոնատեղին Վիեննայի Մայր վանքն է, Vienne (Autriche), VII, Mechitaristengasse 4, որ մինչեւ այսօր անբեր է մնում: Երկար ժամանակ «Հրատարակիչ ու պատասխանատու խմբագիր» եղել է Հ. Ռափայէլ Պարոնչը, անշուշտ կատալարութեան առաջ:

Առաջին հատորի «Ցանկ նիւթոց»-ն իր բաժանումներով եւ ենթաբաժանումներով գաղափար է տալիս բովանդակութեան մասին: Այսպէս.

Ուսումնական. Ազգագրական, Բժշկական, Բանասիրական, Բանաստեղծական, Բնագիտական, Բնապատմական, Գրական, Դպրոցական, Լեզուաբանական, Հնախօսական, Մատենագրական (որ յաջորդ հատորում ճշտուեց՝ մատենախօսական), Պատմական, Քաղաքագիտական:

Արուեստագիտական. Արուեստական, Տնտեսական:

Բարոյական. Պատմական նորալէզու, Առաւել եւ առածք:

Այլեւայլ. Նորալուրք, Տնտեսական, Մանրալուրք:

Քաղաքական տեսութիւն, Յաւելուածք, Կրթութիւն կողերու նիւթերն, որոնք առեւտրական ծանուցումներ եւ մի քանի տողանոց թղթակցութիւններ են:

Հատորների սկզբում ՀԱ-ի վաճառման եւ բաժանորդութեան գների, կէտերի եւ կենտրոնների վերաբերեալ տրուած «Մանուցում»-ներից երեւում է, որ այն տարածուել է այն ժամանակ հայաբնակ բոլոր երկրներում<sup>7</sup>:

Առաջին հատորում իսկ հրատարակուել են շարունակելի երկար յօդուածներ եւ ամբողջական ուսումնասիրութիւններ, մինչեւ իսկ մի վէպ:

1888-ից սկսած՝ «Ուսումնական» բաժնի մէջ մտել է նաեւ «Իրաւագիտական»-ը, «Արուեստագիտական»-ի մէջ՝ «Տպագրական»-ը, իսկ 1899-ին՝ «Առեւտրական»-ը եւ այլն:

Ինչպէս նկատելի է, ՀԱ-ն (արեւմտահայերէն կամ արեւելահայերէն) սկսել է լոյս տեսնել հանրագիտարանային բովանդակութեամբ, եւ դա առաւելագոյնս օգտակար լինելու մտադրութեամբ, թէեւ առաջին իսկ համարում սկսել են լոյս տեսնել գուտ հայագիտական ծանրակշիւ եւ ցարդ չարժեքազրկուած հետազոտութիւններ, ինչպէս, օրինակ՝ «Պատմութիւն հայ լրագրութեան» (հեղինակ՝ Հ. Գր. Գալէմբարեան), «Հետազոտութիւն նախնեաց ուսմանից յի վրայ» (հեղինակ՝ Հ. Ղեւոնդ Յովնանեան) եւ այլն:

Տարիների ընթացքում հայերէն «հանրամատչելի» օրաթերթերի եւ պարբերականների զարգացմամբ ՀԱ-ն աստիճանաբար եւ խելացիօրէն բեռնաթափուելով եւ գտուելով էլ՝ աւելի է բարձրացել ու դարձել այն, ինչ որ է այժմ՝ անխառն հայագիտական բարձրամակարդակ եւ բովանդակալից

<sup>7</sup> Ուստի հերքում է հետեւեալը. «Միխիթարեանների «Բարձրալէզու» եւ «Հանդէս ամսօրեայ» պարբերականները, թէպէտեւ հեռու էին մնացել հայ կեանքի քաղաքական-հասարակական հարցերի արծարծումից, այնուամենայնիւ նրանց մուտքը թուրքա արգելու է» («Հայ ժողովրդի պատմութիւն», հատ. 2, Երեւան, 1981, էջ 881):

հանդես: Այսպես, 1890-ից սկսած՝ խմբագրությունը հրատարակել է գեղարուեստական հատուածները, 1897-ին՝ տնտեսականից, 1896-ին՝ արուեստագիտականից, 1902-ին՝ քաղաքական տեսություններից: 1908-ից դուրս են «Ազգային թերթերէ ծաղկեփունջը»-ը, որ սկիզբ էր առել 1896-ից, ինչպէս նաեւ «Ուսումնական» խորագիրը, այլ մնում են անցեալում նրա տակ մտնող որոշ բաժիններ եւ «Այլեւայլք»-ը: ՀԱ-ն շատ շուտ դադարել է Հայերի կամ հայագիտութեան հետ չառնչուող հարցերի մասին գրելուց: 1911-ի առաջին համարի սկզբում խմբագրութիւնը, Հ. Ներսէս Ակիւնեանի գլխավորութեամբ, ՀԱ-ի 25-ամեակի առթիւ յայտարարել է. «Առաջիկայ 1911ին պիտի ըլլայ «Հանդէս Ամսօրեայի» ուղղութիւնը. Հայ անցեալ եւ ներկայ կ'եանք ներկայացնել իւր սեպհական երանգներով: Հայ քաղաքակրթութեան պատմութիւնն տալ ըստ հնոյն եւ ըստ նորոյս: Հայ ազգային յարաբերութիւնն ուրիշ ազգաց հետ հանել յերեւան: Հայ արուեստին ինքնուրոյն նկարագիրն գծել ակններեւ: Հայ անցեալ եւ ներկայ Գրականութիւնը հետազօտել եւ գնահատել քննութեամբ» եւ այլն: Այս նոյն տարուանից եւրոպացի հայագէտներ իրենց մայրենի լեզուներով սկսում են աշխատակցել ՀԱ-ին. գերմաներէն առաջին յօդուածին հանդիպակաց ուղեկցում է հայերէն թարգմանութիւնը, սակայն այս սովորոյթ չի դառնում: Հայ յօդուածագիրներ եւս մասնակցել են օտար լեզուներով: Մեր օրերում հայերէն յօդուածների կամ այլ գրութիւնների վերնագրերը թարգմանում են գերմաներէն:

**ՀԱ-Ի ՄՆԱՅՈՒՆ ԳԱՆՁԵՐԸ**

Իր հարիւրամեայ, շարունակուող գոյութեան ընթացքում ՀԱ-ն ստեղծել է տեսանելի, շօշափելի մշակութային գանձեր եւ անտեսանելիներ: Առաջիններն են՝ ՀԱ-ի հատորները, դրանցից արտատպուած եւ «Ազգային մատենադարան» մատենաշարը կազմող հատորները, խմբագրութեան լոյս ընծայած յոբելեանական «Յուշարձան» կոչուող, յօդուածների ժողովածուները:

Իրար յաջորդած տասնեակ հատորները ՀԱ-ն այսօր եւս մատչելի եւ օգտագործելի են դարձնում, հնարաւորութիւն տալիս կարդալու այն յօդուածները, ծաւալուն աշխատութիւնները, անաչառօրէն քննադատական գրախօսութիւնները, մատենագիտական ստոյգ ցանկերը<sup>8</sup>, որոնք վերաբերում են մեր բանասիրութեան, հին ու նոր գրականութեան, լեզուաբանութեան, աշխարհագրութեան, պատմութեան, եկեղեցու պատմութեան, գաղթավայրերի, գեղարուեստին, ձեռագրերին եւ այլն: Մեծավաստակների անունների եւ նրանց անմահ գործերի վերնագրերի լուսաւոր շարանը երկար է, եւ այստեղ օրինակներն անգամ շատ տեղ կը բռնէին, եւ ընտրութիւնն էլ գոհացուցիչ էէր լինի թէ՛ Մխիթարեանների եւ թէ՛ հեռաւոր Մոսկուայից սկսած աշխարհականների միջից<sup>10</sup>:

<sup>8</sup> ՀԱ-ի ջերմ ընթերցող եւ պաշտպան Հր. Աճառեանը գրել է խմբագիր Հ. Թովմաս Կէտիկեանին 1903-ի օգոստոսի 26-ին. «Շատ ուրախ եմ, որ Հանդէսին մէջէն ջնջած էք Քաղաքական տեսութիւնը» («Հրաչեայ Աճառեանի նամակները Վիեննայի Մխիթարեաններին», հրատ.՝ Մարտիրոս Մինասեան, «Բագին», Պէյրութ, 1985, փետրուար, էջ 71: Եւ 1910-ի փետրուարի 2-ին՝ Հ. Ներսէս Ակիւնեանին. «Հանդէսի կողին վրայ այս անգամ հարց մը տրուած էր քաղաքական տեսութեան համար: Մենք կը փափաքէինք որ Հանդէսը օրէ օր աւելի մեծնայ եւ ամբողջապէս նուիրուի հայագիտութեան, ուստի ոչ միայն իմ, այլ եւ մեր թեմական դպրոցին (որ բաժանորդ է) եւ մեր բոլոր ուսուցիչներուն կարծիքն է որ այդպիսի տեսութիւններ ի սպառ մուտք չգործեն Հանդէսի մէջ» (ն. տ. յունիս, էջ 66-67):

<sup>9</sup> ՀԱ-ում 1888-1897 թթ. Հ. Գր. Գալէմբեարեանը հրատարակել է 1887-1896 թթ. լոյս տեսած «Եւրոպական-հայկական հրատարակութիւնը» մատենագիտական ցանկը, որ 1911-ի յունուարից ՀԱ-ում շարունակել է Հ. Պ. Ֆերհաթեանը: 1903-ին, երբ ցանկը գաղարկել էր, օգոստոսի 26-ին Հր. Աճառեանը Հ. Թովմաս Կէտիկեանին գրել է. «Ցաւալի է, որ Մատենախօսական բաժինը շատ ու շատ աղքատացած է: Հայագիտական գրքերու վրայ գրեթէ ոչինչ կը գտնենք այժմ Հանդէսի մէջ [ . . . ] Մենք այստեղ միջոց չունինք գրքի մը մասին որեւէ տեղեկութիւն ունենալու. Հանդէսն է որ պիտի ծանօթացնէ: Նոյնպէս Հանդէսն է որ պիտի գնահատէ. եւ ըստ իւր գնահատութեան՝ մենք ալ գիրքը պիտի առնենք կամ ոչ» («Բագին», 1895, փետրուար, էջ 71-72):

<sup>10</sup> Տես՝ Հ. Վրթանէս Բունկուցեան, «Նիւթերու ցանկ Հանդէս Ամսօրեայ ուսումնաբերքի, Ա-ին տարիներու, 1887-1911», Վիեննա, 1912, Մխիթարեան տպարան (առանձնատիպ ՀԱ 1912-ից). ունի «Ցանկ Ա., Յօդուածագիրներն եւ իրենց յօդուածները», որ լրիւ է, եւ «Ցանկ անուանց եւ նիւթոց», որի միայն Ա գիրն է լոյս տեսել: Առաջին ցանկի շարունակութիւնն է Հ. Համազասպ Ոսկեանի «Ընդհանուր ցանկ Հանդէս Ամսօրեայ ամսաբերքի 50 տարիներու, 1887-1911», 28 էջ:

ՀԱ-ի մնայուն կտակներից են նաեւ դրանում առաջին համարից իսկ աստիճանաբար լոյս տեսած ընդարձակագոյն կարեւոր ուսումնասիրութիւններն անփոփոջ փոքր հատորները, որոնք կազմել են «Ազգային Մատենադարան»-ը, որոնց թիւը այսօր 228-ի հասնում: Դրանք հայագիտական գրադարանների անհրաժեշտ մասունքներ են եւ առաւել եւս գնահատելի են այն հանգամանքի շնորհիւ, որ հեղինակներին հնարաւորութիւն է տրուել վերանայելու մի անգամ տպուածը ՀԱ-ում<sup>11</sup>: Կարծում ենք, մասնագիտական այսպիսի մատենաշարի ստեղծման մէջ ՀԱ-ի խմբագրութիւնը միակն է հայագիտութեան ասպարէզում, եւ դա անչափ գնահատելի է:

Հայ եւ եւրոպացի, մի անգամ էլ միայն օտար հայագէտների հետազօտական յօդուածների թանկագին ստուար ժողովածուներ են յոբելեանական այն «Յուշարձան»-ները, որ ՀԱ-ի խմբագրութիւնը հրատարակել է իր միջոցներով 1911-ին, 1927-ին, 1961 եւ 1976 թթ.: Այս երեւոյթը եւս հազուադէպ է հայագիտութեան մէջ:

Հայագիտական որեւէ հարցի մասին գրել սկսելուց առաջ մարդ պէտք է այսօր տնտղի, թէ անցեալում ի՞նչ է ասուել այդ մասին. նրա որոնման դաշտերից պիտի լինեն նաեւ ՀԱ-ն, նրա «Ազգային Մատենադարան»-ը եւ «Յուշարձան»-ները, որոնք բազմաբնոյթ եւ հեղինակալից են:

ՀԱ-ն ունի անտեսանելի արժանիքներ եւ երախտիք: Ապրելով կենտրոնական Եւրոպայում, յաճախելով աւստրիական համալսարանական բաժիններ, ընթերցելով եւրոպական մասնագիտական գրականութիւն՝ Վիեննայի Մխիթարեանները տիրապետել են գիտաքննադատական ոգուն եւ դրանով կշռադատել իրենց ուսումնասիրած նիւթերը, հրատարակելով ազգային աւանդութիւնները եւ միամիտ «ազգասիրութիւնից», երկիւղածութեամբ հաւատ ընծայելուց իրենց կարդացածներին: Այդ առողջ ոգով են հայագիտութիւն մշակել: Դրա շնորհիւ են, օրինակ, յայտնաբերել հայ լեզուաբանութեան գեղեցկագոյն եւ կարեւորագոյն գիւտը՝ բուն դասական գրաբարի գոյութիւնը հին հայերէնի կամ գրաբարի մէջ, 1837-1840 թթ.<sup>12</sup>: Այդ ոգով աշխատեցին ՀԱ-ում եւ ընդհանրապէս Վիեննայի Մխիթարեան շրջանակում: Արդ, կարելի է կասկածել, որ հանդէսի ընթերցողները, առաւել եւս աշխատակիցները, միւս հայագէտները նրանցից օրինակ չվերցրին եւ նրանց չհետեւեցին: Հայ քննադատական առողջ եւ անկաշկանդ ստեղծարար միտքը շատ բանով է պարտական ՀԱ-ին եւ առ հասարակ վիեննական Մխիթարեան հայագէտներին: Հաւանաբար շատերը սովորեցին գիտական յօդուած գրել, գիրք շարադրել բանասիրական ոճով եւ ձեռքագատուել «վարդապետն ասաց» պատգամներից:

ՀԱ-ի արժանիքներից է նաեւ արեւմտահայերէնի մշակումը, գտումը, հարստացումը, մասնագիտացումը դրանում. հեղինակներն աստիճանաբար ազատուել են գրաբարեան հոլովածներից եւ դարձուածքներից:

Փորձը մեզ ցոյց է տուել, որ հետեւեալ երկու ցանկերը կարող են օգտակար լինել այլեւայլ նպատակներով:

**ՀԱ-ի խմբագիրները**

1. Հ. Ղեւոնդ Յովնանեան, 1887-1889:
2. Հ. Յակոբոս Տաշեան, 1890-1895:
3. Հ. Գրիգորիս Գալէմբեարեան, 1895-1898:
4. Հ. Վարդան Մելքիսեդեկեան, 1898-1901:
5. Հ. Թովմաս Կէտիկեան, 1901-1906 սեպ.:
6. Հ. Հմայեակ Համբարեան, 1906 սեպ. - 1909 սեպ.:

<sup>11</sup> «Ազգային Մատենադարան»-ի ցանկը տես՝ «Ընդհանուր գրացուցակ Մխիթարեան գրավանդաւանդի», Վիեննա, Մխիթարեան տպարան, 1972, ուր 216 վերնագիր կայ:  
<sup>12</sup> Տես՝ Հ. Ներսէս Ակիւնեան, Դասական հայերէնը եւ վիեննական Մխիթարեան դպրոցը, Վիեննա, 1932: Յայտնի է, որ Անտուա Մելչի եւ Հր. Աճառեանի պէս հսկաներ անվերապահօրէն ընդունեցին դասական հայերէնի գիւտը եւ գիտականօրէն կիրառեցին սկզբունքը:

- 7. Հ. Ներսէս Ակիւնեան, 1909 սեպ. – 1913:
- 8. Հ. Աղեքսանդր Մատիկեան, 1913–1920:
- 9. Հ. Համազասպ Ոսկեան եւ Հ. Արիստակէս Վարդանեան 1924–1930:
- 10. Հ. Ներսէս Ակիւնեան, 1920–1937:
- 11. Հ. Հ. Ոսկեան, 1938–1946:
- 12. Հ. Ն. Ակիւնեան, 1946–1963:
- 13. Հ. Հ. Ոսկեան, 1963–1968:
- 14. Հ. Պետրոս Տէր-Պօղոսեան, 1968–1980:
- 15. Հ. Օգոստինոս Աեքուլեան, 1981–1983:
- 16. Հ. Մեսրոպ Թովալեան, 1984–1987:

ՀԱ-ի հատորների տարիները

Ա 1887	ԻԶ 1912	ԾԱ 1937	ՀԶ 1962
Բ 1888	ԻԷ 1913	ԾԲ 1938	ՀԷ 1963
Գ 1889	ԻԸ 1914	ԾԳ 1939	ՀԸ 1964
Դ 1890	ԻԹ 1915	ԾԴ 1940	ՀԹ 1965
Ե 1891	Լ 1916	ԾԵ 1941	Զ 1966
Զ 1892	ԼԱ 1917	ԾԶ 1942	ԶԱ 1967
Է 1893	ԼԲ 1918	ԾԷ 1943	ԶԲ 1968
Ը 1894	ԼԳ 1919	ԾԸ 1944	ԶԳ 1969
Թ 1895	ԼԴ 1920	ԾԹ 1945	ԶԴ 1970
Ժ 1896	ԼԵ 1921	Կ 1946	ԶԵ 1971
ԺԱ 1897	ԼԶ 1922	ԿԱ 1947	ԶԶ 1972
ԺԲ 1898	ԼԷ 1923	ԿԲ 1948	ԶԷ 1973
ԺԳ 1899	ԼԸ 1924	ԿԳ 1949	ԶԸ 1974
ԺԴ 1900	ԼԹ 1925	ԿԴ 1950	ԶԹ 1975
ԺԵ 1901	Խ 1926	ԿԵ 1951	Ղ 1976
ԺԶ 1902	ԽԱ 1927	ԿԶ 1952	ՂԱ 1977
ԺԷ 1903	ԽԲ 1928	ԿԷ 1953	ՂԲ 1978
ԺԸ 1904	ԽԳ 1929	ԿԸ 1954	ՂԳ 1979
ԺԹ 1905	ԽԴ 1930	ԿԹ 1955	ՂԴ 1980
Ի 1906	ԽԵ 1931	Հ 1956	ՂԵ 1981
ԻԱ 1907	ԽԶ 1932	ՀԱ 1957	ՂԶ 1982
ԻԲ 1908	ԽԷ 1933	ՀԲ 1958	ՂԷ 1983
ԻԳ 1909	ԽԸ 1934	ՀԳ 1959	ՂԸ 1984
ԻԴ 1910	ԽԹ 1935	ՀԴ 1960	ՂԹ 1985
ԻԵ 1911	Ծ 1936	ՀԵ 1961	Ճ 1986

ՀԱ-ի յարգի, արժանիքների, արդիւնքների եւ այլ յատկութիւնների մասին զրուատական շատ խօսքեր են գրուել ու ասուել. բաւարարում ենք հետեւեալներով, որովհետեւ նուազ ծանօթ են:

Հ. Աճառեանը, նախանձախնդիր ՀԱ-ի գիտական որակին, Հ. Թովմաս Կէտիկեանին գրել է 1904-ի ապրիլի 2-ին. «Տէր մի՛ արասցէ որ Հանդէսի մէջ ալ «Ժողովրդական թերթի» կամ «ապլա-խաթունի» յղուածներու ձգտումներ տեսնուին. այն ժամանակ վա՛յ հայազիտութեան»<sup>15</sup>:

Նոյնը՝ Երեւանից 1928-ի դեկտեմբերի 26-ին ՀԱ-ի խմբագրութեանը. «Մէկ տարիէն աւելի է որ Հանդէս ստացած չեմ. եւ ասիկա մտաւոր որբութիւն է մեզ համար, որովհետեւ միակ ուսումնաթերթը Հանդէսն է»<sup>16</sup>:

<sup>15</sup> «Բագին», 1985, ապրիլ, էջ 75–76:

<sup>16</sup> Ն. տ., նոյեմբեր, էջ 77:

Ֆրանսիացի ականաւոր հայագէտ Անտուան Մեյէն Վիեննայի Միլիթարեան Միաբանութեան 100-ամեակի եւ ՀԱ-ի 25-ամեակի առթիւ հրատարակուած «Յուշարձան»-ի գրախօսութեան մէջ ասել է. «1887 թ. նրանց (վիեննական Միլիթարեանների. Մ. Մ.) հիմնադրած հանդէսը երբեք չի դադարել եւրոպական գիտութեան եւ բուն հայ բանասիրութեան միջեւ միջակայ օղակի դերը կատարելուց: Հրապարակելով իրենց տպագրած այս յուշարձանային մեծ հատորը՝ նրանք կարող են օրինական հպարտութեամբ նայել իրենց գործունէութեան վրայ»<sup>15</sup>:

ՄԱՐՏԻՐՈՍ ՄԻՆԱՍԵԱՆ  
ժմեի համալսարան

<sup>15</sup> Անտուան Մեյէն, Հայագիտական ուսումնասիրութիւններ, կազմող, թարգմանող եւ ծանօթագրող՝ Մարտիրոս Մինասեան, Երեւան, 1978, էջ 603: